



-Pamebhamɛ

"Nimlɔv : 38 "Su : -Gbəkɔ -Kwɛ : 2010 "Su -bha 'sëédhɛ -mü "Gwɛɛtaawo

'Wɔŋ -TAŋŋ -MA 'GÜ 'SëÉDHE

Me -dewo -yö -së

'Me "dhü = në "yɔŋ -kë ö -dega -bha pë -bha, 'yö- "dhia -yö gun 'ma- me -kpea -nu 'gü. -A suu -mü kwa -de -wo bha- 'ka. 'Bha- -wɔŋ 'kun "gbu-, 'yö -a = bhlëë 'dhö -kë me "wɛɛ -nu 'wo to, -a nu wëédhö. -A -wɔŋ 'gü, kö kwa -de -wo bha, -a -ya -sü waa- -wo pö -sü bha, -kwaa -nu -wɔŋ 'kun "gbu-. -Kwa kwa -de nu -a -nu draan- -sü -dhe. -Kwa kwa 'ko -nu faan do -a -nu draan- -sü -bha -dedewo.

Kwaa- =danwo pö "sɛ 'gü -wɔŋ

MMaadhö: "Siü 'bhü -bha nu

'ö wo Blokɔŋŋso



"Kwi -a "su 'ö -kë ɔkötɔblë 'ka bha, -a -bha -dhekpaɔyi -kaɔŋ do ö ga -yiisiö (14) bha, kwaa- "segɔ "dhiü -mɛ 'ö -kë -Gbagbo 'ka -yö -gun 'ka "Maadhö. "Kwanngdhe 'ö -kë 'Blokɔŋŋso 'ka 'ö dho- 'ka "dhü 'ö -da 'ka -a "kwanngdhe 'dhe 'ö Liblövilö -dhe waa- Domolo -dhe -nu = zinng 'gü bha, -a -bha, -wa "siü 'bhü = slɔɔ. Yö = në 'ö 'kwa "yan 'dhö- -bha ya.





-Kwaa "Kɔdivua -sɛ 'gü -wɔn



'Wɔn 'ö -gban -kɔ -yɛ "sɛɔ "dhiü -mɛ -dee -bha -sü -bha

-Kwaa 'gü ma 'ka = dɛ 'ö 'wo- pö -zɛ wo kwaa- "Kɔdivua -sɛ = ya bo -ya -deflɛɛgüdhe = slɔɔ -sü -bha 'ö- -kwɛ -kaɔng "sɔɔdhu -naa 'ö ya, 'pɛ 'ö 'wo -dɛ = votee, -a kpɛnngdhö -dede 'ö 'dhö 'ö mɛ 'wo -gban -sü 'ka -a -bha, yö = nɛ. mɛ -kaɔng do ö ga -yiisiö = nɛ 'ö 'wo -gban -sü 'ka. = Votee bha -yaa pö yöö kɛ, -wo "dhɔɔɔ = plɛ "iin "su do -nu 'mɛ 'ö woo -gban bha- -nu -dɛ 'yö 'wo -ziö "sɛ -to "dhü -sü 'gü dhiang -zɛ mɛ -nu -dɛ -sü 'ka kö -wo bɔ wo 'ka. Mɛ -kaɔng do ö ga -yiisiö -a mɛ 'gbɛ -dɛ -wo kɛ -ziö "sɛ 'gü, "kɛ kwaa "Kɔdivua -sɛ ya- 'gü. -A 'gü -yö kɛ -kun -dedewo -sɛ 'ka 'pö- -kɔ 'bha -nu 'gü. 'Biya -dɛ -yö kɛ -vin. "Kɛ -Gbagbo 'dhö, = Bediee 'dhö, Lasanö "Watraa 'dhö, -a mɛ "gblügbü -yaaga -nu bha, -wo kɛ 'Biya -dɛ -vin. = Votee bha -yö kɛ "kwi -bha "su 'ö -kɛ ɔkɔtɔblɛ 'ka bha -a -bha -dɛkpɔyi -kaɔng -yaaga ö ga do 'ka. "Dhinaa 'yii kɛ -da "wɛɛ 'bha bho. -Zlaan nuwɛɛ. -A -yɔɔ = nɛ 'ö 'kwa kwa "yan 'to siɛ = tɔn -a -gɔ. Kö 'Atanna -yö nu kwa -dɛ "tɛɛ -sɛ 'ka bha 'aa -yö kɛ

'Wɔn 'ö -gban "Kpɔngtaadɛ -wɔn -bha

Aitii: -Wɛnng mɛ 'gü -yua



-Tosea -yö = gbɔɔn -sü 'ka -dede metii "sɛ 'ö -kɛ Aitii -sɛ 'ka bha- 'gü
 "Sɛ 'ö bha "su 'ö -kɛ zangvie 'ö -ziö -kwɛ do (2010) 'gü ya 'ka bha, -yö kɛ -gbɔɔn
 -a -ta. "Sɛ -yö kɛ -zii mü 'ö mɛ -gɔ -yö to- 'gü -dedewo.
 -A -ga 'zü 'yö -wɛnng mɛ 'gü -yua 'ö 'wo sü "yi mü -sü 'gü, -ya nu mü. 'Mɛ -nu 'ö 'wo "yi bha mü 'ö
 -wa ga -wo -ziö mɛ kɛng -yaaga (300) -ta. 'Mɛ 'ö "yua -ya dɔ- -nu 'ya- -dedewo "yi mü -sü "gblɔv "piü
 -wo -ziö mɛ "gblü -yaaga (3000) -ta.
 -A -kɛ "dhü -sü 'gü -waa pö 'wo "dhü bɛ -nu -bhö, -wa -zun = kö -bleesü "kwi -nu -bha 'pɛ 'ö 'wo-
 -dɛ zavelö bha = nɛ- 'ka = kö.



Me =slɔɔ -pě -nu -wɔn

"Sukadhu -saan 'ö -ya kë 'Biya

'Wɔn bha =ya kë "gbu-. -A "dhɔɔɔ =ple -dede =nɛ 'ö "sukadhu -wɔn =ya kë "gbu- "dhɔɔkwëë.
 -A -zaɔndhe -sü -zë -ziaanwo -kpan 'yaa wo 'zü- -bha. -A "puu -yö -dhö "kɛɛ 'yaa 'dhɔɔkɔ = gban 'gü.
"Sukadhu 'dhe 'ö mɛ 'dhö -kpan -a -bha,
 -a sɔnng -da 'gü -ya -da 'kota =ple.
 -Dede ya 'gü 'Biya, "kwanngdhe -nu 'wo -kë = **Yopugɔɔn** -dhe, **Bobo** -dhe waa-
-Genme -dhe -nu 'ka "sukadhu "kidhung do =ya kë 'wëë- këng do ö -ko "saɔdo (800) "kɛɛ kö -yö
 -gun -blesü këng do ö -ko =ple (600). "Kwanngdhe 'bha -ziaan -nu 'gü, -yö këng =ple -gbaandhö
 (1000).
 -Më 'ö -kë 'yö "sukadhu -saan 'dhö -kë ?
 Sosietee 'kpîi- do 'ö -kë "sukadhu kë -dhe 'ka, 'wo- -dhe **Sukrafë** si -bha yëkëme do -ya -pö -kwe 'ö
 -kë 2009 waa- 2010 'ka bha -a -bha "sukadhu 'ö 'wo- -kë, -a = gbaan yën. -Wo -gun woo -kwe 'dhe 'ö
 -kë 2010 waa- 2011 'ka -a -bha kë "kɛɛ 'yaa bho -to -bha -wɔn 'ka. -A -gen -mü =dhe yëkëme -nu "pepe
 'ö 'wo "sukadhu kë -dhe 'gü, -a -nu = gban = **wa -zoo kë**,
 -wa -pö -wo wo =saa -da 'gü 'yii kë "dhü 'waa wo woo yë kë. = Ya 'go mü -wa -pö woo- didhetëë 'ö 'wɔn
 -gban -wɔn = gban 'dhö -gban -a -bha 'ö "kwi 'dhö- -dhe didhetëë zenedhalö bha, -yö 'go wo -go "dhiü.
 'Wɔn "pepe bha- -wɔn 'gü, yë = gban "dhiü =ya 'gbaannu.

"Tiasalee: *"Yuv -sü 'gü -wɔn*

-Mlü -yë -kë 'gü -ko do 'ö =ya do

'Kwa -ya -deflëëgüdhe =slɔɔ (endepanngdanngsü) -a -kwe -kaɔng "sɔɔdhu -naa =nɛ 'ö 'kwa do 'gü ya.
 Kwaa- -mlü -yë -kë 'gü -ko -blesü =nɛ 'ö ya. Kwa -de -a -mlü 'ö 'kwa ta kwa -go yö =nɛ -a -nu -yë

yöö kɛ 'mü. -A "dhɔɔ dɔ -sɛ yöö kɛ. 'Yaa yö -zɛ 'ka kwa -gun -mlü "dhɔɔ dɔ siɛ -kɔ 'ö -dhi kwa -dhe = nɛ- 'ka.

'Wɔn 'ö -gban -potaasü -wɔn -bha.

'Kwa- -blɛsü pö -Pamebhame -bha 'nimlɔɔ do 'bha 'gü = dhe -kpɔpaa = bɛdhe "gbu- do 'bha -yö -dhö. 'Kwi -a "nɔɔ suu 'bha -yö mü -wa -dhe bɔngdhe wluuziö. "Su 'yaa- -bha. "Nɔɔ bha 'dhö, "yuu 'puu -dede ya- 'dhö, pɛ = ple bha kö ü -zo 'yaa- 'ka, -wo pɛ -da ü -gɔ pɛbhee 'piü, 'bha- -nu kaan- "kwɛɛ 'bha ü bo -a -bhö -sü 'ka kö "nɔɔ waa- 'yɔn "puu bha 'ü- -nu -kaan "kwɛɛ 'ü mü kö -kpɔpaa bha 'bha- 'kian zɛ. -Yö -dho kɛ ü dha -sü 'ka.

'Wɔn 'ö -gban troo -nu -bha mɛ wəkɔ -nu 'gü

Buukina Faso: Troo 'kpü- 'ö -kɛ -kwe -bha

Troo 'ö bha, -a kɛ -kɔ -kaɔng do ö ga = ple -naa = nɛ. -Yö -gban mɛ "pepe 'ö 'wo -kɔ "dhiü -yɛ "iin -kɔ "dhiü -pɛ -nu -kɛ metii "sɛ -to "dhü -sü = gban 'gü, -a -nu -bha. -Wa kɛ "dhü Buukina -pö 'kpü- 'ö -kɛ = Wagadugu 'ka bha = nɛ- 'gü. Troo bha- -ta, mɛ "pepe 'kö 'wo -kɔ "dhiü -pɛ -nu -kɛ = dhe, sɔ -nu, "dhü "bleen -nu, 'kɔɔdhö -pɛ "pepe 'wo- -kɛ "dhü -nu, gbɛɛ" "sɛ -nu "sɛnng -nu, 'wɛɛ- -nu, -piö -nu waa- "wɛɛ 'bha -nu 'dhö, -wo -nu 'ka mü 'wo- "dhɔɔ dɔ. Mɛ "wɛɛ 'bha -nu -wo -nu "zɔ "yɔn -nu, -bhöpɛ "wɛɛ -nu 'ka. 'Wɔn 'gbe -sɛnngbɛ -dede -yö -kɛ -dhe bha- 'gü 'ö -kɛ zuɛ" = niidadhe 'ka. Troo bha -a zü -yö -go bho "kwi "su -dee 'ö 'kwa -da 'gü 'ö -kɛ Novanngblɛ 'ö 'kwa- -dhe -zan "wɛɛ- 'ka ya- 'gü.

"Gwɛnng

<<'Mɛ 'ö 'gben- kun -sɛ 'yö 'gben- 'dhö ö wengga 'gü zɛ- -bha.>>

-Pamebhame ya, 'bha- -wɔn 'kun -sɛ yöö = de 'pö -yö -dho ö -sɛ kɛ- ü -wɔn -bha dhia". 'Kwa- pö "dhü kö kwa- -pö = dhe -Pamebhame "nimlɔɔ 'dhe 'ö = ya nu 'dodo ü 'gü dɔ "gbu- kö 'ü- = slɔɔ.

Pɛ -Wlangda -sü

'Bha ziö -dhe "pepe 'ö- 'gü -yö ü -bha 'ka kö 'ü -Pamebhame -dhiang zɛ mɛ -nu -dhe kö woo = de 'pö -wo "slɛ mɔɔ- -bha kö -wa -wo pö. -A sɔnng 'yaa "gbu-. -Kaɔng do ö ga "sɔɔdhu -mü.

'Ka ka bo 'sɛɛdhe ya- -wo pö -sü 'ka, 'wɔn 'bha = ya kɛ ka -gɔ kö 'ka pö yi -dhe, -ka 'sɛɛdhe kɛ kö 'ka bɔ. Yii- 'dresü -mü 08 BP 857 Abidjan 08 'ka. Tel. 08 18 08 88 / 45 01 93 36 ou 02 34 71 20

'Mɛ -nu 'ö 'wo 'sɛɛdhe 'ö ya- -kɛ, wo -mü = Sai Zoiasü, "Dhɔɔgbö Zafe, =Kesi Mɔyan Dhifɔngsü, Valangten Vidrinö waa- Edhena Pɛdhekwalösökaya 'ö- -nu =gban =ple 'wo go Dhusi 'ö -da "Anesü 'ö go 'Suisü, -a -nu 'ka.



-Pamebhamɛ

"Nimlɔɔ : **38** "Su : -Gbeko -Kwe : **2010** "Su -bha 'sëdhe -mü "Gwɛɛtaawo
